

re ab aliis: Sed paternitas sub forma hypostatice conceptu, in signo antecedente generationem, non distinguit Patrem a Filio: cum in illo priori Filius adhuc non intelligatur: Ergo nec Patrem in tali signo in ratione personae constituit.

56 Ad obiectum respondeo distinguendo Majorem: per illum conceptum & formalitatem, per quam tribuit incommunicabilitatem, primariam, concedo Majorem: secundariam, seu supponentem aliam priorem, nego Majorem; & sub eadem distinctione Minoris, nego Consequentiam. Nam persona constituitur per primam incommunicabilitatem: hanc autem non praestat relatio, sub expresso relationis conceptu, nam ut sic supponit originem, & haec supponit constitutam personam, & consequenter prout sic relatio supponit incommunicabilitatem priorem, & personam constitutam. Sicut relatio Spiritus, quamvis sit incommunicabilis persona non est, sed aliam priorem supponens, & origo sub conceptu originis etiam est incommunicabilis; quia tamen priorem incommunicabilitatem ex proprio conceptu supponit, non constituit personam, sed illam constitutam supponit.

57 Ad confirmationem respondetur negando Majorem: licet enim constitutum rei debeat esse distinctivum illius ab aliis, non tamen necesse est, quod illam actu ab aliis distinguat. Sicut id quo Adam, antequam esset alii homines, constituatur, actu illum ab aliis non distinguit, sed solum distinctivum illius erat. Unde licet conceptus subsistentie, seu forma hypostatice, actu non distinguat Patrem a Filio, in signo antecedenti generationem, in quo Filius nondum intelligitur, quia tamen potest illum a Filio distinguere, & essentialiter exigit connecti cum respectu ad terminum, quo Pater actu a Filio distinguitur, per illum Pater in ratione personae constituitur. Solutio est D. Thomae q. 8. de potent. art. 3. ad 7. ubi haec scribit: De ratione hypostasis duo necesse est esse, quarum primum est, quod sit per se subsistens & in se divisus: secundum est, quod sit distincta ab aliis hypostasis ejusdem naturae. Si tamen contingat in eadem natura alios hypostases non esse, nihilominus hypostasis erit: sicut Adam, quando non erat alia hypostasis in humana natura. Semper ergo necessarium est intelligere hypostasis generantem, ante generationem, quantum ad id quod hypostasis subsistit in se una existens, non tamen in quantum est ab aliis hypostasis ejusdem naturae distincta, si per solum hujusmodi generationem alia hypostases ejusdem naturae originatur. Sicut Adam non fuit distinctus ab aliis hypostasis ejusdem naturae, priusquam mulier ex ejus costa formaretur, & ejus filii ab eo propagarentur. In Divinis autem non multiplicatur hypostases, nisi per processionem aliarum personarum ab una: prius ergo est intelligere hypostasis Patris, in quantum est subsistens, quam generationem, non tamen in quantum est distincta ab aliis hypostasis ejusdem naturae, qua non procedant nisi hac generatione supposita.

58 Obijcies quinto: Non minus est de rationis actione naturam supponere, quam de ratione relationis ut exprimentis respectum ad terminum, praesupponere personam: Sed in sententia frequenti apud Thomistas, quam in Tractatu de attributis disp. 2. art. 1. ut probabilior defendimus, actio intelligitur, qua substantialis est & subsistens, non supponit constitutam divinam naturam, sed illam primo constituit: Ergo pariter paternitas divina, etiam sub expresso relationis conceptu, Patris personam constituere potest.

59 Respondeo primo, negando Majorem: ratio enim actionis immanentis, cum sit actus perfectus, & non habeat rationem actionis, nisi tantum grammaticaliter, non constituit in egressu a principio, sicut actio transiens & praedicamentalis, sed in ratione ultime actualitatis, in qua nulla egressus importatur.

Secundo data Majori, distingo Minorem: Intellectio divinam naturam constituit, sub conceptu explicativo operationis & egressus a principio, nego Minorem: sub ratione ultime actualitatis gradus intellectivi, concedo Minorem, & nego Consequentiam. Ex hoc enim solum potest inferri, quod sicut actio intelligendi, sub conceptu ultime actualitatis, constituit divinam naturam, non autem sub conceptu egressus a principio: ita paternitas, non sub conceptu respectu ad terminum, sed sub ratione forma hypostatice personam constituit.

60 Obijcies ultimo: Ratio forma hypostatice & relationis in paternitate non distinguuntur virtualiter, sed sunt duae tantum formalitates, aut munia inadequata illius. Ergo quicquid dicitur de una, debet etiam affirmari de alia; & per consequens si paternitas, ut forma hypostatice, constituit personam, illam etiam constituit, ut est relatio.

61 Respondeo primo, plures Theologos non improbabiler admittere distinctionem virtuales, saltem inadequatam, inter rationem forma hypostatice, & relationis, fundatam in divina eminentia, ratione cujus una indivisibilis entitas aequivalet pluribus perfectionibus, in creaturis realiter distinctis, & ad diversas lineas pertinentibus, relationi scilicet, & subsistentie. Sed quicquid sit de hoc

Respondeo secundo, dato Antecedente, negando Consequentiam: nam de secunda Trinitatis persona verum est dicere, quod est verbum creaturatum, & quod non est filius illarum; & tamen ratio verbi & ratio filii non distinguuntur virtualiter. Divinitas etiam untr mentibus Beatorum ut species, non autem intellectus, vel natura, & tamen in probabiliori sententia, species, intellectus, & natura, sunt una & eadem formalitas, absque virtuali discrimine. Item in Verbo Divino ratio termini vitalis, & representationis, non distinguuntur virtualiter; & tamen uniri potest mentibus Beatorum, prout est representatio actualissima, & non potest uniri sub ratione termini vitalis intellectiois. Cur ego similiter de paternitate, ut est forma hypostatice, affirmari non poterit, quod Patrem in ratione personae constituit, & negari de illa ut est relatio? quavis conceptus forma hypostatice & relationis identificentur in illa sine virtuali discrimine.

§. IV.

Alia argumenta solvantur.

62 Licet ex dictis §. precedenti plura argumenta, quibus probari solet personas divinas per aliquid absolute constitui, facile solvi possint; ut tamen illorum solutio melius percipiatur, ea breviter hic proponemus, ac diluamus.

Obijcient ergo primo: Nulla persona habet per propriam actionem formam sui constitutam, cum rei constitutio ad actionem supponatur: Sed Pater habet paternitatem per propriam actionem, scilicet per generationem; cum ideo sit Pater, quia generat: Ergo paternitas non constituit Patrem in esse persona.

Secundo, Si pater per priori ad generationem, per paternitatem in ratione personae constitueretur, sequeretur quod foret Pater, quamvis per impossibile non generaret: Sed hoc absurdum & chimericum est: Ergo & illud. Probat sequela: Quod prius est alio, est, posteriori per impossibile ablato: Ergo si per priori ad generationem Pater in ratione personae per paternitatem constitueretur, esset Pater quamvis per impossibile non generaret.

Tertio, Id quod productum termino oritur, non potest terminum constituere, alias idem a seipso oriretur: Sed relatio filiationis oritur productum termino; hac enim est differentia inter actionem & relationem, quod actio est causativa termini, relatio autem postea termino oritur: Ergo filio divina secundum Trinitatis personam non constituit terminum generationis, sed illam in ratione termini constitutam supponit, & consequenter etiam in ratione persona.

Denique: Juxta Philosophum 5. Physic. ad relationem non datur per se motus, nec per se actio: Ergo relatio non potest constituere terminum per se actionis: Sed persona Filii est terminus per se actionis generative: Ergo non constituitur per relationem in ratione persona.

Hec tamen argumenta ex principiis supra statutis facile dilui possint. Unde ad primum, concessa Majori, distingo Minorem: Pater habet per propriam actionem paternitatem, ut relatio est, concedo Minorem: ut est forma hypostatice, nego Minorem, & Consequentiam. Vel distingo Consequens, distinctione Minoris, & concedo consequentiam de paternitate, sub conceptu relationis: nego autem de paternitate, sub conceptu forma hypostatice.

Ad secundum nego sequela Majoris: ad cujus probationem, concessio Antecedente, nego Consequentiam. Licet enim per priori ad generationem, Pater per paternitatem, ut habet rationem subsistentiam, & forma hypostatice in ratione personae constitutus intelligatur, non tamen in ratione Patris; cum hac denominatione supponat generationem, & oriatur a paternitate, ut relatio est, sub qua formalitate, & conceptu in illo priori non intelligitur. Unde licet Pater per paternitatem in ratione personae constituitur, non sequitur illum futurum Patrem, licet non generaret; quia paternitas, prout Patrem in esse Patris constituit, supra generationem fundatur, ac proinde nequit intelligi manere, generatione sublata.

Nec etiam sequitur (ut tacite objectioni occurramus) mansuram primam Trinitatis personam, si Filium non generaret: nam cum primarius ille conceptus, sub quo paternitas personam Patris constituit, sit inadequatus quidam conceptus differentialis ipsius paternitatis, imbibens in se secundarium, & intime cum illo connexus intralineam relationis, non potest primarius manere, secundario per impossibile ablato; & cum secundarius manere non possit, generatione sublata, consequens fit, quod nec primarius possit intelligi manere, sublata generatione.

Ad tertium, concessa Majori, distingo Minorem, illamque concedo de relatione que est accidens, nego autem de relatione que substantia est: hac enim, licet sub conceptu explicativo referentis intelligatur postea termino oriari; sub conceptu tamen subsistentis, & forma hypostatice, non oritur postea termino, sed terminum actionis per se

primo

primo constituit. Filiatio autem divina non est relatio accidentalis, sed subsistens; & substantialis: & ideo quamvis sub expresso conceptu referentis non constituit terminum, sed intelligatur subsistens ad terminum constitutum; sub ratione tamen subsistentis, & forma hypostatice, non sequitur ad positionem termini, sed Filium in ratione termini & personae constituit. Et per hoc patet solutio ad ult. argum. Major enim distinguenda est & concedenda de relatione accidentali ac inherente; neganda vero de relatione substantiali & subsistente.

§. V.

Corollarium precedentis doctrinae.

63 EX dictis in hoc articulo, insertur personas divinas per origines activas & passivas non constitui. Ita D. Thomas hic art. 2. & alii Theologi communiter, contra D. Bonaventuram, & Richardum a S. Victore.

64 Probat primo: Prius est aliquid constitui in suo esse, quam operari: Ergo Pater prius concipitur constitutus in esse persona, quam generans Filium; & per consequens nequit per generationem in ratione persona constitui. Idem patet de Filio: nam generatio passiva non est forma dans esse formaliter, sed via ad formam formaliter constituentem: Petrus enim v. g. non habet esse formaliter per suam nativitatem, sed istam vitaliter; quia scilicet nativitate inducitur humanitas, illam formaliter constituit in esse hominis: Ergo Filius in Divinis non constituitur in esse persona formaliter per nativitatem, aut passivam generationem, sed tantum vitaliter, quatenus est via ad filiationem formaliter constituentem. Quo argumento usus est D. Thomas q. 8. de potentia art. 3. Confirmatur, & magis illustratur haec ratio. Constitutum rei debet significari ut manens in illa, non autem ab illa egrediens, vel in illam tendens: Sed origo activa significatur ut egressus a persona, passiva autem, ut in personam tendens: Ergo origo, in quantum talis, non est forma constitutiva personae.

65 Confirmatur amplius: Constitutum rei habentis esse fixum & permanentem, debet significari ut fixum & permanentem, non ut viale: Sed origo activa, vel passiva, non significatur ut aliquid fixum & permanentem, sed ut habens esse viale; persona autem divina aliquid permanentem est: Ergo origo activa vel passiva non est forma constitutiva illius: Quae etiam est ratio D. Thomae hic art. 2.

66 Idem corollarium suaderi potest ex principiis disp. 2. statutis. Ibi enim ostendimus, originem in Deo, tam activam, quam passivam, importare in recto aliquid absolute, & de connotato solum & in obliquo dicere relationem ut modificantem: v. g. generatio activa constituit in intellectu divina, ut est in Patre, & prout per relationem paternitatis modificatur: generatio vero passiva constituit in eadem intellectu, ut communicata Filio, & per relationem filiationis modificata. Ex qua doctrina, ibidem fuisse statuta, hoc potest argumentum confici. Origo tam activa quam passiva in recto aliquid absolute in recto, sed respectivum; cum sit incommunicabile, & distinguens realiter personam, quod soli respectivo potest competere: Ergo origo sive activa, sive passiva, personas divinas non constituit.

§. VI.

Solvantur argumenta in contrarium.

67 Obijcies primo: Fulgentius lib. 1. de fide ad Petrum cap. 1. sic ait: Quod aliud est genuisse, quam natum esse; aliquidque procedit, quam genuisse, & natum esse: manifestum est quod aliud est Pater, aliud Filius, aliud Spiritus sanctus. Ubi per origines distinguuntur divinas personas. Item Damascenus lib. 1. de fide cap. 2. dicit Patrem, Filium, & Spiritum sanctum, omnia esse unum, excepta ingeniti, generationis, & processionis proprietate. Et ipse D. Thomas hic art. 2. quamvis dicat personas constitui prius & principaliter relationibus, addit tamen constitui etiam aliquo modo per origines.

68 Respondeo haec omnia testimonia posse explicari de constitutivo quasi a posteriori, & quoad nos: quia nos ex reali processione unius personae ab alia, colligimus, primarium divinarum personarum constitutum esse ipsas relationes. Specialiter vero ad Augustinum respondet D. Thomas quaest. 8. de potentia art. 3. ad 14. per nomina originum, ipsum intellexisse ipsas relationes originum; quod manifestus est de Damasceno.

Ad ipsum vero D. Thomam dicendum est, quod cum origines, secundum id quod addunt supra actus essentialis, pertineant ad lineam relationum, sintque ipse relationes sine distinctione virtuali, reipsa potest dici quod origines ad constitutum personarum pertineant, hoc ipso quod relationes ad illud pertinent. Sicut quia intellectus, Theol. Genes, Tom. II.

species intelligibilis, & intelligere pertinent ad eandem lineam, re ipsa illa omnia pertinent ad constitutum naturae divinae. Cum hoc tamen fiat, quod loquendo de constitutivo divinarum personarum, secundum nostrum modum concipiendi, sicut loquimur in presenti, debemus dicere personas constitui relationibus, non originibus, propter rationes adductas. Et ideo notanter hic S. Doctor ait: *Nostro modo concipiendi personas constitui non originibus, sed relationibus.*

69 Obijcies secundo. Primum rei distinctivum est etiam ejus constitutum: Sed generatio activa distinguit Patrem ab aliis personis divinis, cum conveniat Patri, & repugnet Filio, & Spiritui Sancto; & alias est prior paternitate, utpote fundamentum illius, & consequenter primo distinguit: Ergo Patrem in esse persona constituit.

70 Respondeo concessa Majori, distinguendo secundam partem Minoris: est prior paternitate, sub explicito relationis conceptu, concedo Minorem: sub formalitate & conceptu subsistentie, seu forma hypostatice, nego Minorem, & Consequentiam. Licet enim distinctio praestita Patre generatione activa, sit prior illa quam praebet persona Patris paternitas, ut forma hypostatice subsistens; & consequenter non generatione activa, sed paternitate sic sumpta, Patrem in esse persona constituit.

71 Dices, generatio passiva est prior filiatione, etiam ut habet rationem subsistentiam, & forma hypostatice, cum sit veluti fieri illius: Ergo Filius per originem passivam in ratione persona constituitur.

72 Sed nego consequentiam: licet enim generatio passiva filiationem praecedat prioritate a quo, se habet tamen ut aliquid viale & fluens, non vero ut aliquid fixum & permanentem, quod ad rationem constitutivam requiritur, ut patet ex supra dictis.

73 Instabis: Licet origo passiva, sub explicito conceptu originis, se habeat per modum fluxus & viae; sub conceptu tamen subsistentis, quem implicite importat, se habet ut aliquid fixum & permanentem: Ergo sub illo conceptu implicito personam Filii poterit constituere. Consequentia probatur: licet enim relatio non explicet rationem subsistentiam & forma hypostatice, quia tamen illam implicat, potest personam Filii constituere: Ergo pariter idem poterit praestare generatio passiva.

74 Simile argumentum fieri potest de origine activa; quamvis enim paternitas, sub explicito relationis conceptu, non constituit Patris personam, sed constitutam supponat; sub conceptu tamen subsistentis quem implicat, illam, per nos, constituit in ratione personae. Ergo pariter, quantumvis origo activa, sub explicito conceptu egressus & viae non constituit, sed supponat personam Patris, sub conceptu tamen subsistentis, quem implicite importat, poterit illam constituere.

75 Respondeo concessio Antecedente, negando Consequentiam: ad cujus probationem, nego similitudinem Consequentiam, & paritatem. Ratio discriminis est, quia respicientia termini, quam relatio explicat, non repugnat inhaerentiae vel subsistentiae, immo taliter relatio explicat respectum ad terminum, quod alteram horam petit; inhaerentiam relatio creata, & subsistentiam divina: conceptus autem explicatus viae, non petit permanentiam implicitam; ut constat in generatione creata, qua quamvis pro explicito inhaerent, non tamen permanentem inhaeret, sed vitaliter & transunter: idemque de divina est dicendum, quod nempe explicet rationem viae; & licet implicet subsistentiam, & revera permanens sit; ex vi tamen conceptus quem explicat, non explicit permanentiam, quam exigere deberet, ut secundum conceptum implicitum subinducere posset rationem forma hypostatice, & esse constitutum personae. Ex quo patet responsio ad similem instantiam, qua de origine activa procedit, & discrimen, quod inter paternitatem & generationem activam reperitur.

DISPUTATIO XII.

De Aequalitate, & similitudine divinarum Personarum.

Ad quaestiones 42. Divi Thomae.

76 Praetertim quae de actibus notionalibus docet Sanctus Thomas quaest. 41, quia de illis, & de illorum principiis disputatio secunda fuisse pertractatum est, agendo de processionibus divinarum Personarum; & solum hic agimus de illarum aequalitate & similitudine, de qua idem Sanctus Doctor differit quaestione 42.





